

濟野關志



100220.07

2015

7502126

濟聖關志

重修濟墅關志序

吳郡治西北三十里曰濟墅關爲南北往來要衝舟航喧集商賈駢坐課額甲於他省地廣從不過三里而居民鱗次櫛比不下數千戶洵吳川之鉅鎮也濟之有志昉自明海陽陳公大成續修者爲普安蔣公宗魯至我

朝康熙閒臨谷陳公以孫明經珮所纂濟墅全志刊行又有吳庠生孫子鼐續纂於後迄今百餘年來其閒有事在志後與原本偶缺者更得凌子壽祺搜遺博雅復加重修不蕪不約於體例愈爲謹嚴先之以建置沿革終之以雜記凡若干卷將鏤板以行而請序於余余按周禮司關註關界

上之門韋昭注周語曰關門關之征也賈
逵曰關通也關之設必於通塗要津所以
崇本抑末稽出入詰姦宄非第謹筭算而
輸左藏已也嘉慶十年冬余奉

命來權潁關兢兢以釐剔積弊爲先庶幾
上裕

國課下便商旅無如比歲以來課不及額
愧弗克報稱今秋入

覲蒙

皇上諄諄訓誨且

命仍司權事因復叨役於茲惟當矢公矢
慎宣力悉心以仰副

皇上通商惠民之意且思權稅則例備載
關乘暇閱是編尤爲詳盡於權政大有裨

益其餘山水學校以及名宦科目人物列女諸卷網羅該洽而微寓勸懲於其間夫吳中稱繁華佳麗之地其民類多安歌便舞山邀水嬉職四民之業者十僅得五六澣關當九達之衝大賈重裝之所環會其風尤參怙無節今以是志刊布俾覽者知所觀感黜浮崇實於以移習俗而正人心則余之厚望也已

嘉慶十三年歲次戊辰冬至月望日

欽命蘇州織造兼理澣墅關稅務內務府員外郎兼佐領長白舒明阿謹

重修濟墅關志序

周禮司關掌國貨之節以聯門市蓋譽奇
表通貨賄其制與司門司市相表裏管子
治齊以爲市者天地之材具關者外財之
門戶故市賦百取二關賦百取一置十六
關以徠遠人後世市廛不行而關權代有
常征則關之爲制古矣吳郡治西北隅之

濟墅自前明設立鈔關歷四百載以來檢
領閩浙控引江淮商賈之所駢湊飄船之
所攢萃歲輸稅有定額關之民比屋連蔓
街衢闐噎縑賄雲屯閩鱗次誠東南之
筦鍵川涂之吭嗑商旅之淵藪津梁之雄
鉅也關志昉於明海陽陳公普安蔣公踵
修之我

朝康熙閒臨谷陳公以孫明經珮所輯濟
墅關志鏤行於世今又百五十餘年其閒
政令之沿革土俗之變遷以及祠廟之興
廢人文節孝之湮沒者均缺有閒焉道光
丙戌冬余奉

命來權是關廩廩於懲蠹奸謹筭算務使
上可裕

國下不厲民冀仰副

聖天子委任至意莅政之暇檢閱舊志病
其歲久失修考鏡無資凌生壽祺文行素
優重修舊本久經纂輯因剗剔乏貲伏而
未出余見其書體裁該備不扁不支首以
建置終以雜記釐爲十八卷於舊志闕者
補之無者續之拾遺踵增粲然畢具上自

課稅則例旁及人物學校下逮物產風俗
蠲微瑣屑靡不縷析條分瞭如指掌蓋驥
驥虜頡頏府志裨補關乘而凌生網羅之
功爲可嘉也因倡捐廉俸授諸梓人葉旣
竣撮舉是書大旨弁數語於簡端是爲序
道光七年歲次丁亥冬月旣望

欽命蘇州織造兼理潯墅關稅務內務府

潯墅關志

序

六

郎中兼驍騎參領公中佐領長白文祥撰

許墅關志卷之一

修志凡例

一許墅關一鎮廣從不過三里筦轄所及又甚遼濶今志所載東西南北約以長蕩陽山射瀆望亭爲界

一許墅關前志之相承者凡三叔始者明嘉靖丙申主事陳大成繼之者丙午主事蔣宗魯入

本朝康熙己酉主事黃虞再屬明經孫珮爲之至癸丑主事陳常夏始付梓陳蔣二志久不可得惟孫志尙有傳書而孫志之後續纂者又有孫鼐此本刷印最少今旣得之一一據依未敢輕刪

許墅關志

卷之一 凡例

一

一舊志於關政分建置筦轄錢鈔歲額則例權部員役七項今鈔旣不行祇仍建置筦轄權使官役四項其餘總入權稅則例一門

一舊志人物分道學文苑孝弟科目高士德望功業七項每項多不過四五人少祇一人今廣爲蒐羅不分門類但分本鎮鄉村流寓遷徙四項

一人物久而論定今斷自嘉慶年間止其卒於道光七年後者俟將來續修采入至閩中苦節易於湮沒仍隨時登載

一古人采錄舊聞必標出處蓋據以傳信且以示公今志中多爲注明偶有一二傳自父老之言者亦必再三考訂

一范文穆吳郡志王文恪姑蘇志每類多附以詩文今亦依類
附入至藝文一門照蘇州府志列名人著述書目此史家經
籍志之遺法也

修志銜名

監修官

欽命蘇州織造兼理潯墅關稅務內務府員外郎兼佐領舒明阿號朗軒長白人
欽命蘇州織造兼理潯墅關稅務內務府郎中兼驍騎營領事領文祥號綺園長白人

纂修

吳縣學優增生凌壽祺字介福號戒甫本鎮人

校勘

元和學附貢生朱蘭玉字蘊輝號春隄本鎮人

吳縣學附監生金晉字蔚文號豹山本鎮人

吳縣學學生孫承祖字適成號齊林本鎮人

清聖關志

修志銜名

長洲學學生員吳蘭字紹曾號晚香本鎮人

吳縣學學生員陸廷燦字靈銳號子湘本鎮人

吳縣學廩生吳宗泰字介邱號蘭舟本鎮人

採訪

長洲縣監生吳宗華字叔來號桐軒本鎮人

長洲縣耆老張錫祚字漢年號雪樵本鎮人

元和學學生員張茂根字承松號如齋本鎮人

長洲學學生員吳鑑字萬掄號雲崖白身山人

長洲縣候選縣丞朱天益字承謙號守愚本鎮人

應宿章字景安號澹人本鎮人

領捐付梓

長洲

縣

監

生朱

灝

字德培號梧林郡城人


公捐姓字載節孝祠碑記


滄聖關志

修志銜名


二

許墅關學宮總圖





泮墅關署圖



許墅關司港
官署全圖

